



UNIVERSITÄTS-
BIBLIOTHEK
PADERBORN

Universitätsbibliothek Paderborn

Benedicti Ariæ Montani Hispalensis Poemata

In Qvatvor Tomos Distincta

Humanæ salutis Monumenta, & Odæ variæ

Arias Montano, Benito

Antverpiæ, 1589

In tabulam Esdræ scribæ. Ode Dicolos Tetrastrophos. XXIX.

urn:nbn:de:hbz:466:1-44973

Miranda sacro scripta volumine
 Auctor relinquit, postera quæ legat
 Actas, & attendens laboret,
 Ac memori probet ore Christus.

IN TEMPESTATE SVBSIDIVM.

Qui nouit metuitque Deum, discrimina nulla
 Ille timet, nil non scitque probatque boni.

VATI. FORTISS. TEMPERAN-
 TISS. POS.

In tabulam Esdræ scribæ.

Ode Dicolos Tetraſtrophos. XXIX.

Perfarum populo & regibus inclytis
 Dilectum Arfacides ingenium, tuoque
 Optatum generi lumen, amabile
 Cæloque & superis caput:

Esdra ô progenies pontificum sacra,
 Expectatum auidè qui Phineæ vetus
 Exemplum reuocas, moribus integris
 Præstas & sapientia.

Redduntur Solyrnis te duce principes,
 Longo quos Babylon carcere presserat:
 Vasa & sacrilegum quæ rapuit manus,
 In sanctam referunt domum.

Quamuis difficilis non solitos viæ,
 Ignauosque metu, atque hostibus improbis
 Inuisos memori consilio viros
 Ac dictis reficis bonis.

Dum deuota Deo te duce mœnia
 Sionis subunt, quâ populus frequens
 Festiuo sociat plurima carmine
 Templis dona recentibus:

Illic & vituli sanguine feruidi
 Aras & Libani tingis odoribus:
 Et vota incolumis persoluens tua
 Genti concilias Deum.

Infamata malis secula nuptiis,
 Admissumque nefas moribus expias,
 Antiquasque iubes discere, & asseris
 Leges, & patrium decus.

PRO.

PROVIDENTIA INSTAVRATRIX.

Estra sancte vix doctor, populiq̄ue magister,
Tu monstras rectum quid valet officium.

SCRIBAE SAPIENTISS. PAT.
PATRIAE.

In effigiem D. Matthæi.

Ode Dicolos Distrophos. XXX.

QVI modò inexpletos loculos, fiscumq̄ue pacem
Afsiduusq̄ue tenaxq̄ue premebat;
Quiq̄ue abaco intentus, tabulisq̄ue vacabat anaris
Nummorum captator anhelus;
Quem cupidum variis aliena pecunia curis,
Insidiatoremq̄ue timebat;
Quem tenere vix, mercatus, flumina, portus,
Multiplicis quoque fœnoris ardor,
Hic subito magat mutatus voce Magistri,
Discipulum conuitemq̄ue vocantis,
Dinitiarum & compositi neglector acerui,
Iam libros forulosq̄ue relinquit.
Gaudet sorte noua Leui, nuperq̄ue perosam
Pauperiem præfertq̄ue, colitq̄ue.
Nec socios, famulos, infestâque vincla propinques,
Rumores vulgîve loquacis;
Nec quæcunq̄ue bonis obstant contraria votis,
Cogitat incipiensq̄ue volutat.
Nudus, inops, meliora petit compendia rerum,
Diuitias meditans potiores:
Quas nec tempus edax, nec fraus, nec perdere possime
Inuidiæ commenta malignæ.
Edoctusq̄ue nouas rationum scribere formas,
Duratura volumina complet:
Atque notas, numeros, damnosaq̄ue nomina delens,
Gesta Dei patrêsq̄ue reponit:
Exemplo scriptisq̄ue probans quàm splendida Iesu
Gratia sit virtusq̄ue docentis.

DIVINA VOCATIO.

Noctes atque dies dictata legenda, nec vllò
Tempore non nobis commoda scripta vides.

EVANGELII TESTI FIDELI P.